

stò ducati 500 e non rimase, *unde* terminò ritornar in Cypri dove l'ha vadagnà e li vol finir la so vita.

Zonse in questo zorno, al tardi, sora porto, una nave, vien di Cypro, patron sier Bertuzi Contarini qu. sier Andrea, la qual partì di l'isola a di 14 April, et mandò le lettere a la Signoria, qual fono lete da la Signoria e Savii, venuti zoso da Gran Consejo; et a bocha chi le portò referi come le galie di Baruto a di 4 April erano zonte a Saline; sichè dil Zante in Cypro in pochi zorni è venuta, però che a di 28 Marzo si levò dil Zante dite galie.

Di Cypro, aduncha, fo *lettere de sier Sebastian Moro consier, vice luogotenente, et di camerlengi vice consieri, di primo April*. Il sumario di le qual lettere.

240

Avisi hauti da le parte de Soria.

Per lettere habude da *Damasco, date a di 27 Marzo 1518*. Se intende come havevano adviso da quelli da Aleppo, che el Signor turco et suo campo dovea dimorar de li 30 in 40 zorni et poi tuor la expedition contra el Sophi, et *interim* che in Aleppo se faceva grande preparatione.

Per lettere da *Tripoli de Soria di 18 Marzo*, se intende: ch'el Signor turco andò in Aleppo, et subito se partì de li, et se atrova sopra el passo de andar in Azimia, over tuor la via verso Constantino-poli. L'è venuto fama che el se partì da Damasco in pressa, perchè el suo capitano, che era a le frontiere del Sophi se havea retirato, però esso Signor turco se havea spento tanto avanti. Beneanes machademo, quale è uno capo de parte de quelli paesi fra Baruto e Damasco, che per avanti era fuzito, sentita la partita dil Signor turco da Damasco, era ritornato.

In lettere di 30 marzo pur de *Tripoli ut supra* se intende: come allora era venuta fama de pratica de accordo tra el Signor turco et el signor Sophi, et che questa fama era uscita da propri turchi.

Item, che Beneanes, prefato capitano de parte, stava pur a la piana de Boersi, che è tra Baruto e Damasco, et niuno fino allora non li dava fastidio, in modo lui rompeva la strada et amazava quanti turchi li andava per mano. Se divulgava che alcuni altri machademi, pur capi di parte sui, e muli, se metevano in ordine per opponerli; il che se giudicava saria facile con el favor del Signor turco, et cussi se anderia destruzendo machademi, et questo medemo saria de arabi, non havendo el Signor turco qualche contrasto del signor Sophi.

In lettere di Cypro de 28 Marzo 1518.

Se intende, et se havea inteso per persone partide da la Liza a di 21 Marzo, che per altre persone partide da Aleppo a di 10 ditto haveano hauto, come el Signor turco era zonto nel ditto loco de Aleppo a di 12 ditto, et non se era partido de li, come fo dito per via de Tripoli per letere de 18 che l'era partido et era lontano de li una zornata; come se diceva che li ambadori del Sophi erano apresso el Signor turco, et che se parlava assai de pace fra loro; la qual pace se giudicava era in poter dil Signor turco volendola; che il Signor turco havea lassato el Gazeli, che era mamaluch et signor de Tripoli al tempo del Soldan et si rebellò, signor a Damasco et de tuto el paese de Hierusalem et Aman fino a Gazara, con el qual sono restati pochi turchi.

In lettere de Cypro de primo April.

Se intende quel medemo che è sopra ditto.

In lettere di 4 April, di Cypro.

240

Se intendeva, per homeni venuti con uno navivilio partido da la Liza de di ultimo Marzo, come el Signor turco era in Aleppo, nè del suo partir alcuna cosa se rasonava; et che molto più del solito se rasonava de la pace tra il Signor turco et lo signor Sophi; et che seguendo la pace el Signor se ne anderia de longo a Constantinopoli per esser sora la strada; et che s'el Signor turco continuerà el star suo in Aleppo, serà evidente segno che la guera tra loro non se habia a continuar per hora, ma trattarse di pace.

In lettere de 5 April, de Cypro.

Se conferma tuto el contenuto de sopra, con questa particularità de più, che l'era stà mandati li animali del exercito del Signor turco, zoè muli e gambelli, al pascolo, che è segno di voler dimorar de li qualche zorni. El qual aviso se ha per lettere da Tripoli de 20 de Marzo.